

# CARTA CHUPPA NU GUTHEL·LA' APÓSTOL SAN JUAN

Segunda Epístola Del Apóstol

## SAN JUAN

---

<sup>1</sup>Inte' Juan anciano rudíania' lu' Hermana, chi becué' Tata Dios lu' a'hua ca ÿi'ni lu'a' acca chi ná le enne' qui'e. Hualígani yala la' tsì'ilatsi' qui' Cristua té lo lóstu'a' para iyaba le. Alàa tsua' teruba inte' catsi'í te' le, sino a'hua iyaba adí ca enne' canu nabia' huáni cabi ca titsa' lígani. <sup>2</sup>Catsi'í te' le porqui'ni ttùba titsa' lígani chi ríalatsi' ri'u nna runi ri'u a seguir, porqui'ni ca promesa tsè' nu ra lo titsa' qui'e nna ná ca qui' ri'u para siempre. <sup>3</sup>Dios Padrea a'hua Señor Jesucristo ÿi'ni Dios Padrea nna gúnnee adí favor qui'e lani le a'hua adí la' retúalatsi' nna la' redacca' latsi' nna lo losto' le lani titsa' lí qui'e nna la' tsì'ilatsi' qui'e nna.

<sup>4</sup>Yala redacca' te' de cca'a' saber qui'ni ttu te ca ÿi'ni lu'a' nna runi ca nu ná tse' ttùba lani ca titsa' lí nu chi ra Tata Dios qui'ni guni ri'u. <sup>5</sup>Annana nia' lu' Hermana, ná qui'ni iyaba canu ríalatsi' nna gulue' ca qui'ni té la' tsì'ilatsi' qui'

qui' ttua' lani áttua. Álahua ná ttu mandamiento cubi nu rudíania' lu' anna, sino chi nabia'ni ri'u a dèsdaba huíalatsi' ri'u qui'ni ná qui'ni gulue' ri'u la' tsì'ilatsi' lani ttu ri'u nna áttu ri'u nna, porqui'ni á' ra Tata Dios qui'ni guni ri'u.

<sup>6</sup>Canchu hualígani chi té amor lo losto' ri'u nna, entonces té huá voluntad qui' ri'u hue'él·la' latsi' ri'u guni ri'u nu rée. Nui nna nâ mandamiento nu calatsi'e qui'ni guni le: qui'ni gulue' le tulidàba qui'ni té la' tsì'ilatsi' lo lósto' le, tì'a chía biyénini le dèsdaba huíalatsi' le.

<sup>7</sup>A' pá'a' le porqui'ni chi reqquia iÿetse' canu ruthacca'ÿí ca enne' para tsíalatsi' qui' attu enseñanza huaya'. Labí ribèqquia ca cuenta qui'ni Jesús nna née Cristo enne' bité yétsiloyu. A' ná canu huethacca'ÿí nna runi ca contra Cristua. <sup>8</sup>Liulába tse' latsi' le nu cca qui' ba le, para qui'ni làa nitti tsina tse' nu chi beni le, sino qui'ni

Tata Dios nna édi'e le por bien hecho nna gúnnée la' dàliani qui' le. <sup>9</sup>Nuỹa tediba ril-la'á lo néda lí nna labí runiá seguir lani ca enseñanza nu gutíxa Cristo Yĩ'ni Tata Dios, pues bihua dua Tata Dios lo lòstu'ì. Pero enne' runi seguir ca enseñanza nu gutíxa Cristua nna, entonces lèe nna due lo lòstu'ì nna nabia' huániá Tata Dios.

<sup>10</sup>Canchu nuỹa enne' dá'á ru'a litsi' le riquixá'aniá le biỹa enseñanza, liucué' tse' ca titsa' nu rinniá canchu díá de acuerdo ba lani enseñanza lígani nu chi bethète' le o canchu labí. Canchu labí nna pero lani modo calatsi'ì gutsiáníá la' riyeni tse' qui' le,

entonces bittu gugà'a li á le' litsi' le nìdi ga li á: gurè'ni cuiá'lu'. <sup>11</sup>Porqui'ni canchu guni li á recibir le' litsi' le nna, á' modo gulue'ní qui'ni rú'u latsi' le nu riquixá'á nna cca le ttùba lani mal nu riquixá'á.

<sup>12</sup>Iyè tse'èru titsa' calátsa'a' quixa'ánia' le anna, pero adila tsa' bittu guni ya' á por medio de ttu carta, sino cueda' hàsta qui'ni itá' tanél'lia' le para huí'a' titsa' lani le nna thi' losto' ri'u adí la' redácca' latsi'. <sup>13</sup>Ca yĩ'ni Hermana qui' lu' canu tse'e nì nna chì hua becué' Tata Dios cabi nna rithel-la' huá cabi la' rinàba titsa' qui' le.

A' ná.